

74 DE SIMPL. MEDICAMENT. PRÆPAR.

SCAMMONIUM

Pulveratum ponatur in figulino vase vitreato: tum addito Succī Cydoniorum expurgati duplo fiat evaporatio ad eam consistentiam, ut fingi possint Trochisci in umbra siccandi.

Exhibetur a granis decem ad viginti.

SCAMMONII PRÆPARATIO ALTERA.

R Scammonii Syriaci uncias sex,
Decocti uncia unius Radicis Liqui-
ritia mundæ, & siccatæ. libram unam:
Commisceantur, & evaporent ut supra.
Dosis eadem.

CAPUT II.

DE SUCCIS:

§. I.

EX HERBIS:

SUCCUS ABSINTHII

Absinthium vulgare recens in pila lapidea bene con-
trundatur pistillo ligneo: tum sacculo ex cannabi-
na tela inclusum torculari fortiter exprimatur. Expres-
sus Succus per chartam bibulam, & arenam lotam, &
siccam trajiciatur.

Simi-

Similiter extrahantur, & depurgentur Succi

Arthemisiæ,
Beccabungæ,
Ederæ terrestris,
Erysimi,
Galegæ,
Melissæ,
Menthæ,
Scordii, &c.

SUCCUS ACETOSÆ.

Acetosa in mortario marmoreo contusa ad horas duodecim in vase fictili maneat: dein prælo comprimat. Si statim adhibendus sit Succus, per chartam trajiciatur; si vero conservandus, insoleatur; tum percolatione purgetur, & in vase vitreo colli oblongi, angustique orificii, superfuso Olei modico, reponatur in cella vinaria.

Eadem norma extrahantur, & purificentur Succi

Acetofellæ,
Solani,
& similia.

SUCCUS BORRAGINIS.

Recens Borrago minutim concisa modice calefiat: tum forti compressione extrahatur Succus, qui postquam ad ignem paulisper efferbuerit, panno percoletur.

K 2

Eadem

*Eadem servetur norma in extrahendis ;
purgandisque Succis*

Buglossi,
Consolidæ majoris,
Malvæ,
Mercurialis, &c.

SUCCUS CICHORII.

Ex Cichorio contuso forti expressione eliciatur Succus, qui vasi vitreo inditus calefiat M. B., & cum adunari fæces inceperint, per pannum trajiciatur.

Sic elici, & defæcari possunt Succis

Agrimoniæ,
Consolidæ minoris,
Endiviæ,
Taraxaci, &c.

SUCCUS COCHLEARIÆ.

Cochleariam sub lucis ortum collectam minutim incide, & paullulum contusam facculo include: prælo exprime Succum, per chartam illico trajiciendum.

Pari modo eliciantur, & purgentur Succis

Cherrefolii,
Eruçæ,
Nasturtii aquatici,
Rutæ, &c.

§. II.

§. II.

EX FLORIBUS.

SUCCUS FLORUM PERSICORUM.

R Florum Mali Persicæ libras viginti,
Aquæ communis libras quatuor:

In amplo vase incalescant Flores lignea spatha ver-
sando, & aquam identidem inspergendo: tum præ-
lo depromatur Succus, loco tepido ad fermentatio-
nem reponendus. Cum fæces subsiderint per pan-
num coletur, & in lagena vitrea oblongi colli, angu-
stique oris, admisto pauculo Vini Spiritu, atque ad
duos transversos digitos superfuso Oleo recondatur.

Similiter eliciendus, ac servandus

*Succus Rosarum pallidarum,
Violarum.*

SUCCUS ROSARUM RUBRARUM.

Rosas rubras calycibus, & unguiculis detractis in
sacculo include: aqua fervente submerge: postea sac-
cum suspensum tamdiu detine, dum aqua subviridis
effluere desierit, & rubra extillare incipiat. Tum præ-
lo subjice sacculum; atque expressum Succum, siqui-
dem servare velis, ad solem fermentescere finito:
deinde percola, affusoque Oleo in vase vitreo serva.

SUC-

SUCCUS FLORUM TUNICÆ.

R Florum Tunicæ demptis calycibus,
 & unguibus libras duas,
 Aquæ communis libram unam :
 Indantur Flores vasi circulatorio, & superfusa aqua
 fervente vas confestim obtegatur : facta ad horas sex
 maceratione prælo exprimatur Succus panno perco-
 landus.

SUCCUS FLORUM VIOLARUM.

Flores Violarum ablati calycibus in fictile vitreato
 paullulum calefiant M.B., postea torculari exprimatur
 Succus.

*Sic paretur Succus Florum Borraginis, &
 Buglossi.*

§. III.

EX FRUCTIBUS.

SUCCUS BACCARUM EBULL.

Bacca probe mundatæ, ac tela involutæ prælo com-
 primantur primum leniter, & sæpe, tum valide.
 Elicitus Succus, & in vase vitreo positus M. B. calefiat,
 & panno percoletur.

*Similiter elice, ac defeca Succos
 ex Baccis Rhamni Cathartici,
 Sambuci.*

SUC-

SUCCUS DE BERBERIS.

In mortario lapideo hi Fructus contusi maneat
ad horas aliquot; dein prælo committantur. Ex-
pressus Succus, ac tepido loco, vel insolatione fer-
mentatus, e chartaceo colo percoletur, Oleoque su-
perfuso servetur in vase vitreo.

Ad eandem normam educantur, &

asserventur Succ

ex Acinis Granatorum;

Moris,

Prunellis silvestribus } immaturis,

Uvis,

Ribese,

Rubo Idæo.

SUCCUS CITRI.

Ex acida Medulla Citri demptis seminibus expri-
matur Succus, qui statim panno percoletur; vel prius
ad solem fermentatus a facibus expurgetur.

Sic eliciatur, & depurgetur Succus

Aurantiorum;

Limonum.

SUCCUS CYDONIORUM.

Cydonia Mala derafa, seminibus detractis, fictili
vitreato inde, & ad horas viginti in cella reponere:
tum

tum Succum prælo exprime: infola: hinc percola-
tum superfuso Oleo conserva.

Similiter parandus Succus

Pomorum, &

Cucumeris agrestis contusi.

§. IV.

EX RADICIBUS:

SUCCUS RADICUM FŒNICULI:

MUndatæ, & contusæ Radices valide comprimantur. Succus prolectus chartaceo colo depurgetur.

*Ita educantur, & defæcentur Succus
ex Radicibus Helenii,*

Petroselini,

Peucedani,

Raphani radice tantum
derasa.

SUCCUS RADICIS GRAMINIS.

Ablutæ Radices bene contundantur: tum prælo valide exprimatur Succus, qui M. B. paulum calefactus lineo panno percoletur.

*Similis ratio est parandi, purgandique Succos
ex Radicibus Cichorii,
Ebuli, &c.*

SUC-

SUCCUS RADICIS IRIDIS.

Iridis Radices mundatæ, & rite contusæ prælo committantur. Elicitus Succus, vasque vitreato inditus in loco frigido maneat, donec fæx albida subsiderit: tum Succum defunde, quo percolato utere; Fæculam vero in umbra siccatam serva.

*Similiter parari possunt Succus, &
Fæculæ ex Radicibus Ari,
Bryoniæ;*

SUCCUS SCILLÆ.

Scillæ recentes farina subacta singulæ obducantur, & in furno, vel sub calidis cineribus coquantur, quæ satis assæ fuerint, cum indita festuca facile in eas penetraverit. Hinc dempta omni crusta in pila lapidea molliter tundendæ sunt: postea in vitreo vase inclusæ tepido loco reponendæ, donec fermentescere incipiant: tum prælo exprimendus Succus, & percolandus.

CAPUT III.

DE INFUSIS.

§. I.

EX AQUA.

INFUSUM CARMIMANS OFFICINARUM.

℞

Seminum Carvi,

℥

Fœ